

Ita est custu vademecum ?

Custu Vademecum est una gènia de guida innui s'arrespundit, cun figuras e fumetus chi podint interessai fintzas a is piciocheddus, a preguntas asuba de sa lìngua sarda.

Is preguntas pertocant, pruschetotu, su profetu mannu chi nos sardus teneus gràtzias a is leis a tutela de is lìnguas de minoria.

Si podit agatai duncas sa respusta chi si fait isciri comentis si podeus abàlliri de totus is diritus chi teneus gràtzias a custas leis:

- **sa lei n. 482 de su 1999**
- Normas a tutela de is minorias linguisticas istòricas;
- **sa lei de sa Regioni Sardigna n.26 de su 1997**
– Promotzioni e valorizatzioni de sa cultura e de sa limba de sa Sardigna

Si podint agatai puru atras chistionis e crosidadis asuba de sa Lìngua sarda.

Su *Vademecum* at a bessiri a puntadas cun unas cantu preguntas e arrespustas a borta.

Su Vademecum inderetura a domu!

Custu *Vademecum* a puntadas si podit agatai in is butegas, in is bars, in sa biblioteca e in su comunu de bidda nostra



Comunu de Bàini

Provintzia de Aristanis

Su Vademecum est aprontau de su Servìtziu linguìsticu sardu de su Comunu de Bàini
(operadora Tatiana Frau).

S'isportellu linguìsticu est a disponimentu de tzitadinus, maistus de iscola, professoris e istudentis po calisiat informatzioni, profundamentu, duda, crosidadi, bibliografia, sitografia asuba de sa Limba Sarda, po consulèntzias didàticas e po cussillus chi pertocant is arrègulas de iscridura de su sardu.

Su Sportellu in su mesi de Abrili est apertu:

	De	A
Giòbia 5 – 12 - 26	Is 07:30	Is 12:30
Giòbia 19	Is 07:30	Is 10.30
Cenàbura 20	Is 18:00	Is 19:30

Telèfunu: 0783/939000



Comunu de Bàini

Provintzia de Aristanis

www.comune.villaverde.or.it



**Po su manìgiu de is leis a tutela de is
lìnguas de minoria**


Annu I, n.1

Acabau su 5 de abrili de su 2012

Preguntas asuba de sa lìngua sarda

Ita si podit fai cun is leis a tutela de is lìnguas de minoria?

Su sardu est una lìngua o unu dialetu?



Su sardu est una lìngua comenti s'italianu etotu, poita tenit arrègulas suas chi funt diversas de cussas de s'italianu.



Po ndi sciri de prus...

- Su sardu est una lìngua o unu dialetu?

Su sardu est una lìngua ne prus e ne mancu de s'italianu poita tenit una istòria sua e arrègulas suas. Imparis a s'italianu, su francesu, s'ispaniolu, su portoghesu, su ladinu e su rumenu est una limba chi benit de su latinu e chi s'est ammanniada a sola cun infruèntzias de s'italianu antigu e modernu, de s'ispaniolu e fintzas de su grecu, ma chi at tentu puru

infruèntzias de is lìnguas chi ddui fiant in antis de su latinu comenti cussa nuràgica (de inguni ndi arribant is fueddus cun is sonus NUR- e GON-) e cussa fenìciu-pùnica.

Ddui est sceti una lìngua sarda o medas lìnguas sardas?



Sa lìngua sarda est una ma ddui funt medas variedades a segunda de sa bidda. E totu is variedades tenint sa pròpiu importàntzia!



Po ndi sciri de prus...

- Ddui est sceti una lìngua sarda o ddui funt medas lìnguas sardas?

Sa lìngua sarda est una, ma ddui funt unus cantus variedades a segunda de sa fueddada de su logu.

Is variedades prus mannas funt su Campidanesu e su Logudoresu, ma aintru de custas ddui funt variedades prus piticheddas chi inserrant zonas de una pariga de biddas. Ddui funt puru

tretus, cussus me is làcanas intra de is duas variedades prus mannas, aundi sa fueddada càmbiat de bidda in bidda. In Sardìnnia, in prus de su Sardu e s'Italianu, si fueddant fintzas atras lìnguas: su catalanu in s'Alighera, su genovesu-tabarchinu in Cabasedda e Carloforti, su tataresu in sa zona de Tàtari e su gadduresu in Gaddura.



**Pindulas de
lìngua sarda**



Su sardu tenit una precisioni manna meda po inditai is festas prus nodidas de sa cristianidadi. Difati chi su Nascimentu (Natale) benit inditau comenti dii de Paschixedda, su ses de Gennàrgiu est sa Pasca de is Tres Gurreis (i Re Magi) e invècias su tempus chi in italianu est su *Carnevale* beniat inditau comente *carrasecare*, o, in atrus fueddus chi benit de su Latinu, *carne secare/segare*, e, duncas, boliat nai ca, apustis de Carrasecare, tocat a ndi liai sa petza de su papai poita inghitzat sa caresima de penitèntzia. Sa Caresima acabat cun sa festa prus manna de sa cristianidadi, **Pasca Manna, la Pasqua**, chi est sa festa de Gesu torrau a biu apustis de ai salvau s'umanidadi.